

竹

初

詩

鈔

竹初詩鈔卷之六

武進錢維喬樹參著

姪伯垌 中錫

編夕

子中鈞

孫潤斯
溱斯

校字

讀蘇詩

先牛玉局翁一笑偶墮地託身齊人網乃亦思用世其
言稍稍售已觸蓬垢忌遂屈廊廟才轉徙州郡置慈爲
捍災患嚴或繩法制惜哉救時畧所至輒小試何止兩
涖杭尸祝澤永施熙寧本中主大用良有意憐才逮宮
禁猶動身後涕如何阻讒邪國是遂陵替仁宗遺兩相
皆以黨錮棄雖全賈誼身竟遂范滂志維公有詩篇亦

本忠孝寄竄逐萬死間能無不平氣山川助光焰物類
恣遊戲千秋白日朗薄蝕豈能蔽昔公愛吾鄉曾爲買
田計終焉騎箕夕精爽此長被艤舟感遺躅洗研沐餘
漬艤舟亭洗研池皆公遺蹟在吾郡一編再拜陳倘許通夢寐

晚泊

歸程隨宿鳥暝色一帆依烟樹未成霽風螢無定飛勞
生舟楫久望遠水雲違莫可聞長笛悲音勸客歸

宿柳林開始有蚊

長安不易居一事差減擾清宵高枕竟酣適血肉不爲
蚊所飽歸舟苦觸熱尙幸此毒無鼠黠不過食我黍蠅
營亦未剥我膚誰知憂患不旋踵豹脚一朝飛沟沟居

然鸛晦聚成陣利口嗜人作針孔移燈大索卧不成滿
船但聞拍手聲鄉音千里未到耳先聽江南白鳥鳴

南旺閘

奔流砮分犀中劈乃一綫南北倏異勢各若脫弩箭神
龍躍九淵撇振雙尾現蕩以尺寸雲俯仰隨所變隄邊
伐鼙鼓聲雜左右戰遂令日下流割此兩途便憶昔理
桅來月黑不可辨徒聞輕舟去忽罷十丈牽今來溯明
了知是神力莫不然東西決誰使萬古晏波吹大地裂
風逐高谷旋名泉九十七汶水此貫穿一一板堵束飛
芻賴堅繕人生順逆機所爭亦一間迴帆互相望遲速
兩弗羨天道平似此吾行更何怨

過濟寧不得遊南池

千載懷詩聖遊踪汎水清
我來思泛艇惟有亂蟬鳴
遺像星辰渺危編風雨驚
瓣香真已久解纜有餘情

又七絕二首

秋水城隅傳昔詠晚涼正
及客停帆何因一日陪遊屐
留得千秋主簿銜

菱熟蒲荒候未同况無洗馬夕
陽中酒樓廳渺南池隔
萬古論文有二公

再懷太白酒樓

我非謫仙人狂歌學奔走
任城兩繫纜白恰滿塵垢
千秋酒星渺一笑凌北斗
海內作長句下視皆鷄狗
神仙

未肯爲富貴，慚到手徒乘。下澤車折盡，大道柳文章。古
憎達棄去，亦敝帚此中宜。麴蘖休負謝，淪口青帘三兩。
家滿眼，酤何有，魯酒不可醉。吾愁竟安剖，悠悠清汶水。
送客浩蕩久，何處徂。徠青吾將永掉首。

晚發任城闢

任城東郡脊，雄堞俯嵯峩。轉漕邾婁近，看山齊魯多。亂
燈千艣集，喧語一時過。從此乘流快，臨風發浩歌。

過南陽鎮

涼色初隨放，閑輕樹頭猶帶月。孤明市因近水宜，鮭菜
田漸濱河雜黍稊。南陽爲魯河壩口，距徐州僅百餘里。歸客夢隨飛鳥淡，
遠山意與曉蟬清。鄉關便近曾何味，先遣勞勞屢計程。

始見龜蒙諸山

青山如高人到眼人所喜相望不相卽益令情未已北
來歷燕齊土岸亘千里今朝一開豁如與故人邇天然
修眉姿秀色不待霽坐令客意遠頓使塵慮洗吾聞秦
岱尊魯邦所仰止其餘聳靈輿一一名可紀但覺蒼翠
好未辨何者是平生結屋懷澹蕩吾亦爾爲君發青眼
於我得素履何日辦芒屨幽尋從此始

小飲不覺陶然作此

小飲不求醉旣醉乃亦佳譬如陟名山偶誤亦不廻舟
行意昏昏長日心半灰不醉亦如醉竟醉神益諧始知
全其天百慮無待排鳴蟬送兩岸有似笙竽吹輕帆飽

寂然習習清風來便擬一間達身與希夷偕覺來夜涼
生明月到我懷人生憂患叢坐失吾嬰孩常如醉中歷
蹉跌皆形骸神仙亦何樂所樂爲天隨吾慕蝶化叟栩栩遊九垓

感懷次瞿生韻兼示吳孝廉槐江

黃金一築客遊燕繭罷浮雲又幾年遠道竟如岡九折
倦懷已及柳三眠送人作郡空餘笑以酒爲名祇益憐
輸與推移葦間叟刺舟終得撫清漣

青山閱盡短長程歸計依然襍被輕燕子天涯非昨夢
梅花故國有深盟讀書但足存名姓相馬誰能託死生
尚遣齋生窮似此

昌黎有送齊
暉下第序

舊時拂拭亦何情

復有所感再次前韻

什襲何因石號燕道旁按劍自年年徒看食雁難爲味
每到聞鷄定不眠此去尙能容我賤無才每媿受人憐
士龍那擬還遊洛已化緇衣一淚漣

生平不值漫嗤程豈意文章易重輕湘瑟枉教聆舊句
越鷄誰與結前盟盡心休怨封毛氏作論先應過賈生
禮闈余已入殼忽主司
指摘論未合式遂黜落莫向空庭求拔宅故山於我尙
多情

贈瞿生二首

士有相見晚始知未遇多如君猶浪跡於我合悲歌魯
酒竟難醉吳鉤空復磨尊絲心羨人歸許一相過

上海清才數吾交近已稀空嗟元叔擯

謂趙璞函從軍

無復季

鷹歸

謂張少華物故

識面瓊枝好論詩石壁微相思今後夢黃

浦又勞飛

觀賣魚者戲示瞿生

南陽南下水潑潑十家九人漁作活隨身笊簣不知勞
更有長叉手滑脫開口奔湍亦爭取截竹縹習坐相拒
小魚逐浪聚如針大魚遠避竿空舉非關所得有難易
直是急流魚勿處不見河中排密斲脫漏纖儵反無數
呼船欲買便近前掉頭將去復問錢雖無清酒助一醉
到口已覺銀刀鮮操舟老父亦不惡短柁輕蓑舉家託
過客猶興結網思居人定得知魚樂君本鱸鄉澹蕩人

扁舟三泖有前因，筆牀茶竈眼前具。不向煙波一問津，
用東坡聞子由瘦韻寄大兄。

朱門鼎鼎厭食肉，吾家一官儻與粥。強將冰蘖戰膏粱，
有若晨暝爭燕蝠。三年見君顏面異，苦自吟詩太離俗。
只知肘後漫求葯，未肯囊中試餐玉。人生萬事勞其形，
日飮八珍遜脫粟。珊珊骨節亦誰識，夢幻君猶戀蕉鹿。
朝來擊鏡不自省，却持帶緩嗔奴僕。看吾一日斲黃精，
不用身輕跨鴻鵠。

雷

遠浦電頻掣，排空響乍驚。風雲全作勢，天水割相爭。雨
定猶難轉，篷開時一明。吾生屯尙爾，煩與豁人情。

涼

舟行無定暑時得拂衣涼水鳥帶煙去暮蟬經雨長北
窻空寂寞西笑已蒼茫坐恐明河沒仍爲觸熱忙

曉月歎

曉月復曉月挂在西北角雲奩啟半梳淡影相掠削羨
人暈修眉旋轉不自持三五爲君容何期多所虧雖非
蟾蜍妬愁盡東方白莫爲減光輝憑君看轉側世人愛
明月但愛團圓時誰復留餘情賞此瑤臺姿我願把杯
酒夢醒長見汝半面得重看小星何足數

觀漲

楊庄一夜急雨飛豐隆奔攏天爲低小舟咫尺簸無主

暮泊岸東朝岸西上遊倏若徒溟渤驚流倒瀉尋無隄

沿泖直至十字水舟子挽索行淤泥

過楊庄下以驟漲反成逆流至十字

水分馮乃仍順也

前行過閘失三板石齒已與船舳齊岸植

柳半傾跌卧水毯毯起復滅想見天陰萬樹號百靈疾
走蛟龍擊小者軟弱得自保大者倔强遂摧折力當風
雨雖怒爭聲奪雷霆竟中截自濟以下淮以上醜以千
渠水未鬯樾隄蓄洩日夜勞不敵秋風一番漲一宵已
高三尺許若更幾宵便盈丈居民終恐作鼃黽赤手誰
能障狂浪雖增南客放溜懽快意一人吾勿尙

戲咏舟前鳴

間眠那肯結鷗盟覓食河干拍拍輕博得金丸剛一擲

向人何苦自呼名

晚坐雜書所見四首

夏雲來何所隨風幻多姿遠與暮山雜起伏互透迤散
碎作冒絮漾影中天時厚者團遙空望久態不移落日
一照耀入眼晶光迷初如疊銀海白浪勢欲飛復疑堆
雲峯素巘排空差廻環出三面咫尺似可梯其行亦何
心吾欲相因依

夕陽明遠村鷄犬散晴陌結茆自三五倚戶看過客門
前樹成陰屋後山繞碧苟無逋稅憂而更寡所役桃源
在人世豈必果仙宅稚子驅犢還人牛兩無格閒閒張
網者亦不見屢獲人心苦無事勞者情有適若使名利

人幽居反不憚

舟行伏過半恢台竟無憂披襟當夕風吾意已有秋秋
來亦轉曉日短苦不留人生奢視蔭肯願時序休直以
炎燠故聊爲目前謀豈無永執熱天道何所尤及至涼
颺催爲樂恐易道何如與時忘泛泛沙邊鷗

平蕪接川光返照千疊紫遙煙團堊氣極望水瀾瀾一
蹶卧柳傷半沒浴鳧起林蟬對行客屢噪若有喜未暝
羣動息歸鳥飛漸已坐數星出天得彼復遺此不知舟
楫間行老幾人矣

子夜歌

儂爲地上月郎作月中霜雖然霜易散能使月影涼

昨夜夢儂來分明語未絕江水不留人偏能作嗚咽
薄霧不成雨寒笙易隨風明月爲情緒相思長在空
折蓮都折藕折藕絲遂斷我去采蓮蕙苦心更歷亂
洗紅紅易落色去情亦移飲儂桑落酒看儂入骨無

舟行見貢荔支者

龍驤百斛行作聲中有碧柯駢紫星南來水遞幾千年
風枝露葉何青青 君王玉食豈貴此一物自貢遐方
誠海山仙人不敢惜暗與尤物添精英厥包指日上闕
廷金盤絳帕羅分明紅襦一剖冰肌呈粗粲柿那許
爭君不見南中橘柚顏色好幾許幽馨空谷老不愁化
枳失本性只恐逢鹽易枯槁從來過是欲少味相似寧

無口同飽物生榮悴豈自主南村北村采不少樹猶如
此何以堪空見楊花作萍草

東坡詩柳花着水萬浮萍
荔實周天兩歲星言成有

遲速也

一日

一日江南放櫂還夕陽無限水灣環暮雲如畫不成雨
好鳥去人漸近山綠酒未會緣歲減白波轉幸得身閒
臨風莫更多情緒已自潛郎鬢影斑

腐花歌

俗以腐之嫩者爲腐花

玉膏小凍卵盃明流匙滑膩歷齒輕銀刀不用羨截肪
點以鹽豉初含馨我從中散學仙久太行石髓乾在手
磴床幾轉便成丹只恐淮南各領首食蛙苦瘦熊苦肥

淡中水乳差相宜朱門多少厭下箸其落南山知未知
聞吳歌

青衫幾載逐煙波誰爲離人喚奈何最是夢回聽不得
櫓聲如雁一相和

曉渡黃河

東南日下勢潏潏身世蒼茫擊楫間一夜濤聲涼別夢
五更風色壯塵顏靈旗欲颺天邊雨鼙鼓能驚海上山
投壁幸憐忠信在惟慚側手挽來艱

過河後暫泊南岸

八番臨河客三年破浪心尙縻中下策空作奈何吟遠
棹疑星漢奔流變古今愁來隨瓠子大葯企黃金

過天妃閘溜甚急復爲來舟所觸水及卧具矣得免覆溺亦天幸也

河流限一束怒若萬馬奔南北三版間高下以丈論輕舟倏下墜直逝不可存忽攫上水船退遂兩者屯狂波躍左右轉側生死分爰然排牕來洶湧如翻盆柁亡櫓亦折面色皆非人此時百念空轉覺忘其身分將委頽浪颺逐爲波臣人生涉江河性命原輕塵偶然脫九死深感造物仁痛定一思痛有如夢寐昏雖免滅頂凶如絲挽千鈞無爲談笑道出險良有神

清江浦

一聞辭天險神夷浦口行山從近淮好水漸入江清布

網人差樂編蘆地少耕輸他河畔吏贏馬費將迎

余自少好叅同家言每與大兄言之未首肯也舟
中偶閱東坡詩言子由少曠達天資近道又得至
人養生長年之訣因亦竊聞一二余媿聞望不逮
子由顧所好畧有同者因用集中初別子由韻作
詩一首既以示兄亦用自勉云

詩人例能仙所恃神骨清千年騎鯨客謁帝歸通明但
遺名不朽無補亡其生何如鸞鳳翔長與霄漢賡韋郎
兩塵子墮地亦有程安能以世事覆亂如楸枰吁嗟石
火光挫此金花萌我亦戀璞玉三刖悲獻荆坐狗芻狗
迹幾作犧牛烹近知白駒馳不貸公與卿惜無子微識

希有徒自鳴吾兄故達者骨節珊有聲將叱山中羊執
手與一評大藥豈海上方寸皆墉城珪組亦無累恐溺
頭崢嶸君方病內熱此理宜所驚白髮來如期丹砂世
誰爭長空有明月我輩非心盲唯好乃卽得黃初平語期羨
寧空名慎勿蠶所患一飢忘青精

蛩聲

風草長隨夜凄吟自繞舟如何當不寐先與客心秋

曉望

殘月淡欲沒薄雲低漸生長淮在何所遠堞與波平

過淮安

鄉信踰淮尙五程挂颿喜及曉山迎一灣塢影初飛鳥

百里河流迴抱城客過倚樓思趙嘏時清草檄失放生
南還尙可閒垂釣市上無勞問姓名

漂母祠

帶劍空遭市虎憎尙看老母肯相矜我來那敢求知已
料得千金報未能

自古炎涼態不齊聞鐘幾個媿閣黎王孫若道尋常識
先有南昌亭長妻

瀨水壺漿歎逝波英雄一樣涕滂沱買絲只把平原繡
那識哀窮巾幗多

食糠不少長貧笑轅釜猶生大度猜一飯人生亦何惜
不教千載拜恩來

不音金
身二
二
酌酒荒祠淚幾彈欲尋遺迹釣河干丈夫自食談何易
最是謀生國士難

望高郵湖

湖光百頃遙射城城頭落日如湖明城低水高覆孟小
長風吹出芰蘆聲賣魚射鴨排戶喜漁舟散亂晴霞裡
船頭一撒網如雲萬點烏雅刺天起

湖多野鷺羣
飛有如鴉然

寶應懷同年王少林

安宜城外柳圍城不見王郎白袷迎聽雨邗溝猶昨日
踏歌桃葉恍前生賦成尙合誇楊意刺滅聊堪勝禰衡
何日一燈重對酒湖光應見十年情

五鼓抵鈔關

枕底波聲急推篷樹影流曉星明似月送客到升溝

予於庚辰歲寓維揚者累月忽忽十年矣舟過偶
憶舊遊感而賦此

蕪城已罷叅軍賦官閣曾吟水部詩一自烟花餘六代
至今歌吹有三時客來未覺青樓夢人去空懸明月思
我亦江南狂杜牧頻年載酒可勝悲

城郭千秋繞綠楊欲尋隋苑久蒼茫選樓一去空文藻
板渚重過有夕陽尙遣舊題塵撲面更誰惜別淚成行
歐蘇風格原難續博得麻牋記蜀岡

舊志蜀井與蜀相通
紙工汲其水以

造麻牋

渡江望金山用東坡煙江疊嶂歌韻

江中浮玉玉作山朝來空翠浮如煙長江與天兩無際
唯有一髻長蒼然我行過此總縛束咫尺未探中冷泉
黃金不成髻懼改歲月直似東流川青鞵未開塔影外
白鳥竟墮帆飛前中流但覺此身小稍見樓觀能忝天
我才濩落竟安往江山如此清而妍不知絕頂試縱眼
閑處可有桑麻田君不見瀟山道人亦詩侶東軒晞髮
經千年微風自解鈴語妙初月看盡波光媚北來衣上
有塵土一聲粥鼓驚吾眠景純爪髮復何有飲酒食肉
寧能仙浮休真是百年宅衲裙相報慚無緣浪遊誰識
類行脚故山空賦淮南篇

從南屏廻眺

一雨收瓜步煙開出衆山江空帆勢定天淨鳥飛閒形
勝無今古歌吟費往還承平虛斥堠笑指荻洲間

手中團扇

畫紙作團扇裁爲明月姿清風爾何來動若含天機美
人坐良夜揮手慵自持無心出懷袖已遣流螢疑豈無
齊紈好感此客所遺力小雖弱人煩燠時一披炎涼旦
夕有何待秋風吹冷然本在質不用人亮知苟無棄捐
心緘縢亦隨時

廿九夜丹陽道中

嚴天去檣低星斗森欲動纖雲起西角燿燿電一送岸
高如山草暗移水中明滅螢亂飛紈如打鼓堠火微櫓

聲蟲語相淒迷烟中一舟吾獨歸

呂城

白衣一渡詭謀成刮目當年浪得名千載石頭青蓋杳
荒村何有阿蒙城

別吳孝廉翟上舍

纔破鄉愁又別思聚原偶爾散奚悲得傾肝膽何須久
好歛須眉且入時樽酒天涯人易老秋風海上鴈難期
此心擬逐申江水直送君歸不厭遲

君去尊鱸餐正羨我歸松菊徑猶荒

予歸後不日仍將筆耕于外功

名逐鹿誰劉項踪跡亡羊等穀賊二頃但容田負郭一
盃肯棄醉爲鄉故山叢桂須勤賞轉眼移文又草堂

題汪子跨牛小照

春犁細草粘天長晴枝啁啁送喜忙單衣短笠白苧韉
不歌南山歌滄浪一編挂角尙多事我雁百憂爲識字
不如但作畊田夫生不求名何況利

八月十四夜水明樓對月

秋風吹客雉臯城又見團團月漸明佳節奈從愁裡近
清霜休向鬢邊生酒闌顧影身千里蛩語當階夢五更
明日憑欄難更望年來哀樂不勝情

十五夜

萬里今宵粲玉盤素娥何處望漫漫可知有恨難爲訴
便不他鄉也獨看天入秋容宜見遠樓通水氣易生寒

誰憐烏鵲南來影中有王郎白袷單

十六夜

片影長空易減秋金波依舊檻前流
夢中虛幌三生事客裏殘尊一夕愁
涼鴈語哀疑近曉暮砧聲急恰當樓
人間盈缺長如此吹盡西風楚響悠

水明樓雜詩樓卽水繪園故址也

問訊名園蹟興亡已百年危樓長倚水
疎柳自橫天人物懷公子謂胃辟疆
風流感昔賢何堪吾後至酌酒意茫然

一檻依空碧支牀俯夕湍風牕吹不定
煙鳥噪無端地積秋聲近人隨雁影寒
登臨亦何恨濠濮好同看

北寺人安在南枝客暫容江山餘夕照
絃管付晨鐘一

水分殘榭千林答遠春
蘭成蕭瑟意難與賦哀踪
飄泊隨人事幽棲祇益愁
虛廊先得月獨客易悲秋水
竹平生願雲山終古謀
唯應結閒侶姓氏託涼鷗

樓前衰柳

幾榦霜前作態頻
靈和空憶舊時春
踈踈已自難藏恨
何況天涯繫別人

貼梅扇子歌

貼梅扇子者以梅花綴箠頭顏色鮮新枝榦則以筆足之辟彊姬人董宛君所製也如皐以絨爲花鳥諸畫實助于此貼梅亦尙有能者

昔有佳人董雙成
仙姿本自姑射生
偶來塵宇弄春色

却使千秋見落雲雉鼻破臘寒葩出公子名園粲晴雪
別有芳心擬化工不教素手愁虛折曉日牕紗墮萼紛
綠苔片片拾離塵壓從緇帙香猶在鋪向銀盤辨自勻
一技巧綴粧前扇踈影暄妍生便面細剪俄看熨帖平
徐開恰使橫斜見只知嬌額試塗黃誰解輕羅能索倩
寫生何似生花好不數徐熙妙偏擅當時披拂障歌唇
此扇傳觀歎者頻摺處綉衣疑暈粉揮來翠羽欲依樽
樓中玉笛吹難墮隴畔瑤絨贈更新只今篋笥飄零久
幾許齊紈散何有曉月羅浮不見人春風蛺蝶還存手
西洲曲斷合歡空餘技猶傳學唾絨便着鉛華貌桃杏
總教懷袖怨殘紅

冬日雜感二十首

北風墮晨霜寒鳥號空林開牕日寡色閒階蛩罷吟青
陽隔已久白藏革所臨蕙草復摧碧孤芳孰能尋造化
如轉圜寒燠誠何心仰觀浮雲馳鳴鶴無遺音一歲三
百六及此行駸駸遂恐二毛迫凜慄遊子侵

東方有泰岱巖巖巨齊魯蔚爲衆嶽長芝草闢神府千
秋紀功德封禪云亭主七十二代君鸞輪紫霞舉我登
日觀峯遠見匹練舞蒼蒼古松樹儼若列爵五維此出
震靈亦藉人力鼓不逢金泥封寂寞吟梁甫誰知一寸
石能使天下雨

許由避堯讓洗耳清泉濱咄咄子陵翁羊裘自韜真禹

稷與寇鄧千載稱賢臣二子豈不達庸能拚其勲丈夫
生世間貴有濟物仁時需寸績效責謝良材淪知人明
王畧度德智士身豈徒慕高風甘與煙霞親

部婁亦嶽土勺水皆河流世人域所識見小無遠謀荆
山不自言良玉以鵠投誰爲鴻都價魚目審易求白雲
馳青天不如堀堞留黃鵠滯遐翮失笑來鸞鳩得者萬
鈞重失者鴻毛羞千秋出真賞氣短當時睥宋人豈知
愚越客徒抱憂

金椎奮詩禮心存口中珠文章束微纆餓死窮經儒大
道不計財被褐無兼腴通牟市三倍磴乏田一區端木
洵大賢受命肯自迂誰云記名姓必藉數行書

昔我探名山南遊造斤竹謝公所未到靈異貢絕谷大
小兩龍湫從天散珠玉裂石得紺宇盤雲俯白足擾擾
區中緣歲序鳥過目學道失壯顏棲幽阻塵縛向生五
嶽願飛夢空自夙闔闔無黃精駐生匪酒肉何時去貳
頁一 往辭極枯

粲粲桃李樹芳春吐穠華長安二三月走馬金張家置
酒作趙舞醉語鳴箏瑟顧彼座上美掩映酖顏誇一語
意氣通揮手生明霞由來輕薄兒要納本狹斜浮雲不
自行借此微颺遐豈如南溟翼所待扶搖賒松柏晚不
實凜凜寒霜加誰使翠袖人倚竹空咨嗟

男兒一杯酒中有千黃金黃金猶易散寶此平生心然

諾季布重急難袁絲任貧賤何有交富貴乃見深往往
膠與漆較易爲商參時無管鮑儔大義終浮沉

明鏡燦皓月朝光發新輝美人臨朱樓鬢影春風吹豈
無天涯思惜此雙蛾眉君王雖好色傾國易見猜長門
罷玉輦買賦勞清才明君去絕域青塚留芳蕤往往棄
擲餘乃成絕代哀千金市歌舞鳩鳥安能媒城中髻一
尺坐使鳴蟬摧蘭蕙恐過時幽香不再來寄語匏瓜星
終古相徘徊

晨鷄起羣動眷眷日中市百族趨謀身雖刀利爭指吾
聞淳古風有無淡相似苟非衣食累人生泰然耳禍由
鄧郭儔阡陌兼并郊豪門一飯貲貧者歲計視尺布尙

作謠何況戚與里黃金土同價爲治本一理無如銖兩
權贏絀判生死和嶠信不達王戎亦何鄙焉得披裘翁
曠然目無此

削槩以染絲着手永失素白圭抱微玷磨之尙可去懦
夫易回德確士慎岐路苟非大節踰一眚孰無誤子雲
作羨新文章有榮污何如馬卿賤但播子虛賦從來非
常材跣地違本步牛鼎出霸佐功名屈身樹折節三害
除卒完忠孝譽

翁子負薪日結髮請竟行觀其懷綬歸遂欲誇身榮洛
陽返蘇季一改爲炊情誰歟負弩前大異臨邛迎勢位
未可忽一朝風雲驚雖抱圭璧姿白衣賤顏曾聊藉朱

丹轍途人知姓名所以主父偃寧願五鼎烹

油油庭前草循咳見芳蘭飛飛林中鳥欲去三盤桓寸
草誠有心啼鳥暮知還登堂集喜懼白日迴無端抗懷
負米賢始知貧賤難閨門不稱老母爲鬻毛斑牽裾旣
遐隔捧檄猶渺歎慎旃行役人念此春暉寒

日落海色明高臺生悲風遊子懷故人長吟無與同仰
首見雲漢中有高飛鴻遺我尺素書開緘淚盈胸丈夫
失杯酒各若斷梗蓬寧知後會所且復銜金鍾君言加
餐食報以方寸衷生死共一編安在離合蹤努力勗令
名萬古爲雲龍

大雅隨長飈元音委蔓草建安雖綺麗風骨尙不少矯

矯陳思才格冠應劉表後來隴西子所祖謝與鮑當時
兩赤幟光燄萬丈繞一從大雅淪徒益蝸蟾擾棘刺誇
衛人所恃在纖巧或爲雲夢吞廓落墜虛渺文章貴心
得幹弱支易槁徒求弋青紫不朽安足道鐘惑以二乍
里耳多顛倒雕蟲失天倪鳳采亦凡鳥時無仙才識空
握靈虵寶

士有一知己生死可勿論誠然出眞賞寧必援青雲北
海旣薦禰懷刺氣已伸歎息蜀道難知爲天上人曾聞
蔡中郎倒屣情肯親誰爲黜齊皞按劍遭彼嗔徒嗟玉
無脛坐遜手不龜浩蕩白鷗去萬里要難馴

我欲倚長劍虹采干雲流身著短後衣射虎南山頭一

舉接飛猿再揮扼靈蚪不然作大治揮手光盈眸倒瀉
水衡錢一洗寒士羞焉能效田舍齷齪持牙籌瓦注酬
所歡不如赴梟牟千金飾粉黛一飯權朋儔但知食雁
美豈解索鮒憂相如以貲郎終典鸛鶴裘何似風雪中
高卧絕所求

出自東郭門白楊鳴蕭騷纍纍衆所宅狐兔馳悲號生
懷百年憂死作長夜遙昔時華屋客歛恨俱蓬蒿絡繹
罷屋角歲晚愁寒袍念此泉下人一往不可招積日成
老醜時來息勞勞彭殤同一致所距昏與朝譬彼弱草
塵終見隨風飄天地作棺柳達哉擊缶謠

下士求神山至道在瓦甃寧知方寸地大藥所棲宅我

本餐霞人舊與佺喬識墮地三十載瑤草委寂寂苦爲
外內鞭馳此六驥隙空於五情中寶訣守銘魄竈上一
騷除塵世亦易擲胡爲紫河車坐被名利役韓衆不我
宿壽命匪金石悵望鶴背遙撫時增大息

中宵素帷張玉軫愁自橫一爲發手語所恐成商聲悲
風盪林柯爲我多不平豈知任運者榮迹皆通苓百歲
如轉燭戚戚何所營所思隔瀛海欲往無長鯨玉樹不
可攀鸞笙空復情亮爲幽蘭萎亦異衆草生眼前含羨
酒安論身後名

東臯詞八首

東臯從古好射雉舊傳名不見佳人增一笑千秋留得

雉城橫

東臯東在海之濱日日漁鹽供饌頻海魚爭似河魚美
一網銀刀思煞人

我來暫住荒樓畔樓外人家日掩扉昏鴉苦向當牕噪
解道寒天客未歸

客中無酒客懷惡東臯酒家酒味薄若教一醉忘他鄉
百榼主人呼未足

一頃寒波寫鉢池

樓外池舊名洗鉢

至今鐘鼓接招提百年過

眼名園盡落日疎林多所思

貼梅人去扇成煙剪綵家家各鬥妍江南三月花如錦
多少春工不賣錢

河邊銜尾船矮篷船梢女兒窄袖紅琵琶不用勸深夜
一盞新茶便住儂

人道東臯隔江水那識東臯近如此北風吹過馬馱沙
直到江南一百里

東臯兩生行贈徐弁江吳梅園

徐子下筆落落氣不羈十月朔吹生牛衣吳子翩然秀
穎脫囊腹終朝益中謀斗粟兩生雖不同其才畧相似
欄衫利市不到手各聳吟肩研寸紙露香池館

講院
堂名秋

風涼城頭射雉雉水長我來兩度見落木鼓蘭已萎菊
漸黃自從大雅久不作拉雜笙竽間鳴玉折楊黃萼衆
所知嗒然一笑陽春曲君不見子雲嘆覆瓿門有載酒

賓相如一賦達天子稱凌雲丈夫會復有知己豈久飄
泊如蓬根我亦長安三射策眼看金臺幾春色買骨還
遺冀北羣成丹空羨淮南宅人生遇合亦轉轂得失偶
然何足惜舉比坐擁顏方赧遺冊兔園身未免邑宰猪
肝禮有加諸公牛耳名猶淺兩生兩生聽我言眼前慎
勿愁迤邐我聞昔賢身居環堵露兩肘貧也非病神夷
然過門但有長者轍求富何慕塗人鞭從來秀句出寒
餓且飲美酒爲汝和古人四十乃是強仕年努力莫待
傷華顛

曉望

寒林葉盡脫踈處堞痕生不見煙中路朝來有客行

虛樓

虛樓生水氣一夜雨聲踈近曉聞人語鄰家起網魚

夜聞大風作

高樓獨客如巢居排空夜識風信殊初來颯颯動屋瓦
稍覺林木吟蕭踈忽然千騎怒雜沓銜枚戈甲紛喧趨
復疑連山倒蓬壺百川洶湧爭其墟蛟龍疾舞地軸撼
萬怪奔逐空中呼我聞大塊擅噫氣土囊一發彌天衢
離蘅獵蕙抑何煦大者木拔驚塵驅庶人之雌但勃鬱
烈士之美猶于徐我來海濱閱兩載趙趙未及催乘桴
此時仲冬屆罽發撓物宜有飛廉噓三重屋茅不足惜
中脣得目傷人膚重衾寒壓足不舒數椽突兀神所扶

舍旁却憶席門叟三更敗絮當何如

曩歲作梅花詩十二首寄大兄金沙司農見而賞之遠惠和作以爲詩致凄婉不宜壯年諷勉之誠一篇蓋三致意其明年予賦悼亡噍殺之音果前兆歟今春南宮報罷司農深爲扼腕瀕行復加餽贈情意周摯溢于夢寐暇日檢點遊篋重覩誦章忽忽兩易歲寒矣歎逝懷存不勝悵悒因得詩四首如左

一紙瑤華折贈幽夢中惆悵隔羅浮春風無賴空吹陌玉笛多情自繞樓流水竟將疎影去清尊難向白雲求江南又是添殘雪幾許催人賦倦遊

破臘春陽歲歲過幽香豈合老山阿漫勞東閣吟如許
其奈南枝瘦若何月裏角聲愁早落宮中額粉妬還多
天邊浪說和羹手一洗鉛華看易訛

已斷亭皋處士妻傷心休更問西溪綃衣自合風前散
翠羽常留竹外啼紙帳十年殘夢在瑤扉千尺暮雲迷
年來怕見巡簷蕊索得闌干兩淚齊

休將姑射怨天寒開到孤芳自昔難助影窻前終有分
成蹊李下豈無端鄉愁客裡何須亂春事人間亦易闌
他日廣平重爲賦本來第一此花看

鐘聲

到枕一相續聲聲漾客心霜邊人已定空外柝相尋靜

夜籌身世荒樓閱古今何當發深省三復此清音

轉覺

轉覺客爲樂勞生且息機尙無今日是那識舊時非落
木兼愁急離鴻背冷飛近來虛幌淚惟願夢中歸

枕上

衆犬吠相應寒牕月自橫如何長夜夢不爲故鄉生綠
酒依雙鬢清霜繞一檠誰憐遊子意數盞漏丁丁

訂呂秀才文載同歸代柬

與君同作依人客歲晚鄉闈暫得歸江畔定餘殘夢繞
天邊好趁斷鴻飛官衙漏永空呼酒野寺鐘寒易掩扉
予所居與雨香菴相接 又是征裘過一度兩年心跡付斜暉

雨

暮煙吹不散高閣漸溟濛水氣因寒上風聲與樹通但
教農望足時四野望雨敢恨客途窮今夜江南夢多應杳冥
中

敝裘

尚有敝裘在蒙戎強自寬又教成歲晚猶未免身寒霜
雪頻年共知交一贈難幾多同學客狐白此時看

見臘梅已發盡

寒池未結霜前彩野寺先含臘裡花贈遠也應千里折
亂愁休待一枝斜空檐雕帶香誰共斜日金鍾酒漫賒
差喜蜜脾顏色好催人不遣白頭嗟

贈雨香菴且容上人

雨香可有香成雨我尙維摩示疾頻詩酒自參居士法
鐘魚偶結比邱隣經秋花散伊蒲近入座風生辯慧真
莫把寒吟等閒看十年欲認碧紗塵

宿鳥

宿鳥已知霽曉窻不住鳴天寒艱得食野稔且謀生烟
侶飛相逐霜枝啣自驚暫時風雪起輪與暮巢營

予苦不成寐而二僕卧樓下就枕卽鼾然有聲噫
亦可羨已

人生墮地大不幸聰明乃是憂患始勞勞名利柴厰內
百年帖席幾宵耳我聞周待旦兮孔忘寢大聖乾惕不

安枕帝王問夜恒宵衣投籤鏗然尙凜凜我不能爲袁
生高閉戶風雪絕所求復不能爲莊叟達栩然化蝶從
天游精神半爲才智耗乃至晏息無能休年來更似魚
不夜醒眼直看晨光浮汝南一喔羣動起百族營營力
窮晷息以一夕聊還淳偃然在床如誓死我思塵區何
者爲真人晝食不餒眠無呻懜懜但令魂魄適便是上
古無懷民西鄰老僧亦吾侶盡日賓朋暮鐘鼓吁嗟乎
閒不可求愚庶乎已悔識字瀉其初

夜夢莊似撰

時似撰主
孟縣講席

不見莊生又二秋屋梁空對月華流清才都遣資謀食
寒歲誰憐作遠遊聽雁枕邊情暫合銜杯天末望難求

不知今夜烏河月可也霜皋一訴愁

悟乘上人以紙乞詩書以贈之

蕭然瓶鉢見清真一榻琅函夜誦頻好種綠蕉千百本

我聞懷素少年人

悟乘甚年少

落日寒窻蔭荷飛聲聞只在白雲微春光若到南枝盡
莫遣天花尙着衣

四智三身吾亦解便離塵服却無由今來十笏經秋共
那得無詩贈惠休

樓頭月

最是高樓先見月疎林推出爛銀盤舉杯多謝成三友
只恐宵深分外寒

蚤窻卽事

高閣客初起，寒禽傍曉多。
卷簾三逕葉，散帙一池波。
霜重披裘覺，吟悲得酒和。
幽棲吾已慣，那惜歲蹉跎。

曉望

日氣分煙水，窻虛納霽時。
高柯猶帶鳥，小屋已成炊。
橋影將人過，城痕出樹遲。
憑闌還幾日，天畔一吟思。

聞鴈

旅館宵寒朔氣開，遙空吹墮數聲哀。
那堪獨客挑燈聽，正是重雲失侶來。
千里關河愁月黑，五更汀渚怕霜催。
故人隔盡桑乾水，便有音書費往回。

將歸題壁

初來落木當窻怒欲去寒鴉繞樹悲三月吟魂遊倦後
百年心事歲終時關河有恨惟鴻影身世無憑託酒卮
爲語水明樓畔月江南江北好相隨

至日驥沙道中

頻年至日身爲客是處歸程髣髴易霜雲物空書千里恨
葭灰難動九臬腸人如墮葉徐徐遠愁共斜暉漸漸長
欲把一尊遙酌怨天涯惟有淚成行

從瀾港口渡江

一頃驚濤去扁舟近海門沙痕圍遠戍帆勢及朝暾地
險風號勁天寒嶺氣昏春申遺跡在興廢向誰論

竹初詩鈔卷之七

武進錢維喬樹參著

姪伯珂

中錫

編次

子中鈞

孫潤斯
溱斯

校字

崇川官舍夜坐却寄大兄黔中二首

白狼山近晚峩峩數盡歸鴻正渡河
客到暮春遊易倦
人從遠別夢逾多年華錦瑟絲絲在心緒
塵輪轆轤過
一種青袍慣飄泊
又來海國得悲歌

金臺風雨記離羣
怕見池塘草色薰
萬里尚聞持絳節
一尊空復數春雲
袁生角枕何勞賦
江令瑤牋嬾自分
幾度使星天畔指
燒殘官燭爲思君

題山陰沈翁遺像

翁精於軒岐之學

炎帝嘗百草功與播稼同神哉鬼與區六氣參天工扁
盧濟生死厥德侔降崧一從上池邈人命如飄風維翁
休文才萬化羅心胷手抉宛委藏頭白經箱中因兼折
肱技聊補造化窮滂腸豁衆錮刮膜澄方瞳遂令刻水
流一洗無殘瘥繫子殫甲乙十載靳發蒙邇來肘後方
簡蝕生蟬叢子幼好秦越人書頗事研究年來亦稍稍棄去矣方今號和緩荒
土無鞠翦其蔽已在鬲藥石誰能攻他年作良相拯變
斯吾功胡由乞青囊先指神仙蹤吾聞活人夥其後爲
三公是爲商山芝或者秦嶺松圖有古松一株紫芝數本披圖緬遺
躅仁壽報則崇

晒夔虻婪尾豐臺盡悲歌易水濺憎身因衆裏使酒在
人先市少金龜解茵疎錦段聯下車聊款曲懷刺嬾周
旋却敵須長劍封侯待直弦略聞東閣啓別有上池漙
賤子才何憾司農慰屢宣梅花吟結契萍梗泛生憐金
司農曾見子梅花詩極加歎猥以遺珠細而知相馬愆

賞客春下第猶以此贈

愆

曳裾情所鄙倒屣意長鐫齊暉身雖斥崔駟望未蠲五
噫歌慷慨一舸去翩翹祇恨無家返因增獨客悄感時
方溲落嘆逝更淪漣永蹈安仁戚真符靈運禪空房歸
自閉虛幌夜常懸繞屋蠅蚋滿吟堦絡緯牽拂奩菱鏡
暗開篋杏衫薦引膝隨兒女操家亂粥餠龍鬚從卷席
鵝血每題箋尚展三秋挂難封四尺阡禦窮追電勉營

莫致纏綿留舌今誰示無衣歲強延德非曾氏貴情遜
仲卿堅爲念形骸隻彌思骨肉圓慈明原巨擘季道愧
名駢憶自孩提別中更項領遷鸞坡成契濶蓬戶寡陶
甄池草江干思霜鴻塞上緣何因依越鳥得共泛湖船
鎖院圍紅蠟芳堤逐錦鶻市橋晴折柳僧舍晚聽蟬百
頃湖光淨千重嶺色鬢溪囊都掇拾阮屐競便儂太末
高橫翠耶溪霽送妍曹碑爭拂薜賀宅約停舫遂造龍
湫奧同尋鴈宕泉界空飛白雪殷地走驚蜒長句超康
樂兄有鴈山記
遊詩六十韻微懷契倜佻山雲行笈裹客夢遠驅傳
盡發丹青理相將甲乙詮寒還呵手寫雨輒對牀眠調
鶴桐偕玩紉蘭露並寒和餘歌緩緩醉離舞僊僊句有

推敲樂情無坎壈纏幾時
姜被共俄見蜀星還從此
長安隔唯嗟故里踰雖曾
逢握手動是濶經年冷暖
同根異雲龍結想顧我終
遺瓦礫兄早樹楠榿未敢
投傭筆何堪守郭田病由
心不競技枉目無全且趁
飢軀在休容慮登煎門迎
奇問字囊任澁探錢射雉
城猶古投壺笑漫媯閒庭
螢自亂孤館草空芊遣畫
碁三百消愁酒十千儘看
張鷟鷟誰與索筵尊獻歲
聞求俊羣英定入銓且隨
蠅附尾更作蟻投羶但獲
毛生檄聊辭子敬羶緇塵
勞敢憚白髮盼方專落月
應雙照殘檠各一天知君
歸萬里持此贈拳拳

讀史漢雜詠二十首

范蠡

黃金一鑄貌爭傳曾佐陰謀二十年烏喙自知難共樂
鴟皮何不遂求仙逃名猶復爲齊相餘策多應得計然
千古治生無爾智風流爭羨五湖船

信陵君

一泣因麾鄴上旗威名豈讓霸王師却秦終拒函關騎
救趙何嫌晉鄙椎兵法自從消病酒博徒無復感深知
至今名廁三公子不及夷門守冢時

信陵爲戰國第一人物不愧仁義智

勇以爲約從長足當強
秦惜遭讒未竟其用耳

蘇秦

上書本意帝強嬴從約終連六國兵豈有陰符資說主

偶然抵掌快成名金多直使家庭異裘敝從嗟面目更
若有雒陽田二頃樞樞却得老餘生

屈平

孤忠直與楚江流下土巫陽不可求千古騷人原有祖
一時香草盡含愁道存宗國寧忘諫身隔讒言枉見讐
留得離憂傳弟子又將搖落賦悲秋

魯連

先生玉貌本超羣一笑東周挽夕曛蹈海終應悲烈士
圍城聊遣折將軍直教六國羞爲僕豈屑千金市解紛
幾許平原誇食客冥鴻從此隔青雲

李斯

功名倉鼠嘆神奇學力何曾祭酒師遂遣詩書無偶語
但教督責且逢時亡秦實定沙邱策擢相終懷上蔡悲
生死都由趙高手盛衰那許熱中知焚書一事足以殺
身矣沙邱之謀始
於高而成于斯斯爲丞相故高媿媿勸之斯斃于龍位
故不能奪耳不然扶蘇得立蒙恬蒙毅爲將秦未可知
也秦無李斯亦必得天下
秦非李斯不至卽失天下

漢高祖

尺劍開基四百秋芒山那得厭東游入關卒定三秦約
過沛猶懷萬歲憂弓鳥當時都泣信衣冠片語得封婁
直教身後資平勃何不安劉早定謀

項王

天教三戶果亡秦叱咤空兼婦孺仁不殺沛公雖大度

自亡亞父竟無人威成鉅鹿身千戰氣盡烏騅酒數巡
何必江東慚父老懷恩猶有魯遺民

留侯

相韓家世萬金空天授真歸隆準公寸舌竟教爲帝佐
一椎先已破秦雄赤松未遂從游願黃石曾傳能忍功
却笑腐遷疑狀貌祇知伯業是重瞳

賈誼

懷才千里賦投湘年少何人忌洛陽前席略聞更漢治
遺謀猶足扞梁王平生知己吳公在早歲凶徵服鳥傷
不作公卿亦無恨却教絳灌議疎狂

武帝

漢武歌汾一代才白雲西去祀蓬萊貳師自貢神駒到
五時頻看寶鼎回帳外夢成傾國賦湖邊愁築望思臺
紛紛系孔謀平準多恐神仙亦愛財

司馬相如

倦游空笑匣中琴豈意西南建節臨狗監自能通姓氏
犢禪從此判升沉遺書尚欲封梁甫奏賦何須諷上林
博得茂陵傳一誄至今愁煞白頭吟

東方朔

執戟天邊亦隱淪詎諧豈獨笑儀秦上書已足驚明主
直諫何曾作弄臣紫海自瀦塵外服金門聊玩世間人
文成五利空誅殛不向持觴一問津

衛青

出塞勲名傳衛霍起家多自尚衣來騎從何意平陽主
奴畜終成大將材漸覺任安能戀舊可憐李敢未忘猜
餘恩也學祁連冢一樣侯封付草萊仲卿退讓好士戰
功亦與霍埒而晚
遇稍遜定襄之還敘功第及驟騎青不益封觀
其歿後恩禮亦減于霍豈有所不滿於帝耶

李廣

下中作相數難爭猿臂空馳絕代名射虎未能消猛氣
持醪誰使泣從征威行結髮曾無敵老見封侯自不平
一事先誅霸陵尉將軍恩怨太分明廣之英雄漢將第
一殺降一失未必
遂至奪侯當時立功殊域斬殺過當卒膺上賞
者多矣奚止八百羌也以爲數奇其信然耶

司馬遷

浮湘涉泗壯遊豪千載龍門巨筆操誅意豈云非謗史
抒憂直欲踵離騷天官家世空悲憤蠶室功名付貶褒
祖述可憐楊子幼終將書札禍兒曹

蘇武

十九年來返漢冠生妻老母夢中看千秋臣節旄寧落
萬死忠腸雪未寒鴈足幸成常惠策河梁終隔少卿驩
丁年多少歸都護欲乞丹青一畫難

蕭望之

抱關錄錄志非常東海蕭生老自傷經術枉教聯子政
忠謀不獨殺京房構讒卒就黃門拜就吏空知太傅剛
猶有瑯琊稱節士彈冠晚歲藉貂璫

臣豎殺大臣實始於此黃門鈞黨踵

而甚焉當時恭頌之勢兼外戚宦官爲一故非疎謀可
除雖然君房語妙以侍進摸稜稚圭經明亦畏威阿比
朋龍小人無足責耳
祿位中人可畏矣哉

揚雄

詞賦平生有諷思草元况復澹人知未如龔勝終廉里
差愈劉歆作國師早歲牢愁空弔古暮年寂寞亦違時
文章覆瓿憑千古何必門前索問奇

梅福

我愛南昌梅子眞全身直與鳳鸞鄰但傳吳市藏名地
定是蓬山不死人一尉獨能憂繫漢五侯終遣祚更新
神仙自古干時出亦有安期說項頻

六月望後一夕夢神女裝飾甚靚持便面索題視

之上有桃花一枝款識數行夢中覺了了醒時惟
記一萃字所題二句猶宛然在口也因足成之
自成何意有明璫洞裡餘春舞研光自是天風吹不散
絳雲一片着衣裳

題畫二首

疎林秋易入沙路白雲隈如此溪山好無人泛艇來
水竹渺如此暮烟知幾重鄉心何處所落葉一聲鐘

吳梅原索畫題以贈之

自我來東臯楚然寂空谷清才得吳子頗用慰幽獨三
年契風雨一笑唾珠玉何用雙南金庭蘭嗅寧足秋颺
入池館桐葉一以落我畫雖未佳略如君不俗青山一

萬疊何處容結屋贈子平生心蕭蕭數竿竹

夜坐

秋至明河近高天氣自森繁星風不定疎竹晚相深近
寺鐘魚急環池院宇陰欲教歌月出涼露已沾襟

枕上懷大兄

暝烟藏不住幾處隔溪鐘

院後徐氏別業有八鐘樓蓋城東北多寺也

客夢

亦如此隨風無定蹤關山人一別雲樹路千重安得借
飛燕秋來總易逢

初秋曲

高空雨洗奩鏡平銀漢北轉流無聲碧梧墮斃一葉輕
暗竹時有飛來螢美人深坐垂瑤璫綃衣成削生夜涼

仰視列缺馳素光西飛青鳥懷其鄉手援雲和絲欲撫
不成曲可惜一寸心不如秋蘭綠天風何心颺羅幃鳴
泉自語音裴回懷中紈扇不可揮蟾魄萬古空相隨

瓶蘭

沅湘流不盡餘怨尚風前空谷曾無偶羅生只自憐靜
纔通臭味影亦媚嬋娟不采何勞嘆青青肯鬪妍

舊遊括蒼之石帆山大兄有句云秋風吹不去知
是石帆山神韻自然予最愛之旋有紀遊五古數
十韻云却憶暮秋還風吹石帆遠亦頗同味客館
偶憶及之寫作小幘并繫二十字

秋風石帆山一別夢無處帆自不能來我亦不能去

題喬墨莊印譜二十韻

千年籀史開天津邈斯八體鐫靡秦懸針倒薤各殊體
凡將急就皆文人自從繆篆勢屈曲刻符摹印傳其真
漢興五字法土數森然矩矱不可磷石經漫漶蝕風雨
繼起猶有邯鄲淳後來流失作小技童書教學慚先民
心無萬卷目眩古縱刻肝腎如羞曠東臯喬生號好手
示我一帙排瑤珉聞君好此頗入骨荒墟直欲尋師春
如錐擘沙辨一一以指畫肚時斷斷體窮亥豕別譌異
貌雜螭區求停勻蒼然遂契造字始劔空鏤實無逡巡
丹砂花乳光鮮新方填錯落玉有鱗願教變法出新意
上踵作者駢凡塵我差能書以書喻入眼所貴雅且馴

方今墨猪到金石豈識瘦硬能通神使刀如筆石如紙
心手方許追輪囷文何已渺童許逝許實父童鹿遊皆如臯名手朱竹垞
有序跋贈之子見許之韞光樓印譜童之史印皆直逼古人今篆刻家所絕跡也似此典則今
無倫緊子識字閻蟲鳥如嗜彝鼎忘窮貧他年解憶龜
左顧煩君一寫鬻間銀

題畫贈史司馬

雉臯百里無山色吟屐空勞夢裡探賴有枯毫數峯在
畧教江北似江南

客館

客館依荒野涼烟起暮城樹聲藏遠柝雨氣入疎檠吟
卷愁中把秋心酒後生候蟲知我意唧唧不勝情

露香草堂苦雨作

高簷鳴琤淙傾耳屢不懈蕭齋昏晝并食息誤一晦號
空積無隙時時洩澎湃比我半堵壁急霑不在外屋脊
號飢禽索食毛羽鍛開門望原野萬樹逃蒼蒼新池起
庭下漲落倏異態牆根海棠嬌咫尺未得采循堦蟻旋
磨舉足動若械聞彼索索聲愁與屐齒碎今雨無一來
舊雨矧安在雲師疇能誅淒黯復相對徒增泥滑滑不
破客心塊及榻憂青苔歸意強堅耐曜靈匿何所甘爲
諸陰畏安得駟豐隆掃空一軒轅

七夕舟中臥病作

一自神傷錦瑟年萍踪常是少人憐身如客燕歸無所

心與孤帆去共懸
刀尺枉催千里夢
星河又駕一秋烟
清宵細細添如此
落月推篷倍惘然

暮蟬

暮蟬何太苦
向月發幽吟
古道多行客
秋風有別心
若爲聽斷續
無乃觸蕭森
繼爾涼蛩起
乘時感更深

晚泊仙女廟對月

今夜廣陵月
流輝到客船
乍看低映水
剛擬直如弦
烏鵲初迴影
銀河與計年
吹簫舊遊處
清夢隔天邊

宿油閘

烟光沉野色
不夜住歸櫂
小市喧初霽
嚴關閉早涼
潮聲兼月定
蛩語助愁長
自嘆隨舟楫
年年道路忙

渡江

頻來擊楫感中流一舸長隨天地浮
曉日檣烏雲未定秋風石燕雨初收
江山六代曾開府吳楚千重有上游
粥鼓聲聲休勸客無田歸亦繫人愁

題何公子春巢詩藁

春巢公子青雲姿弱冠求友聲交馳
翛然一洗統袴習丰采有若瓊瑤枝
與我初逢似舊識手攜新詩便請益
藻思觸眼天然佳似此清才豈凡格
方今海內爲長歌口吟舌語句強哦
冰脂刻鏤及棘刺鑿音散失傷其和
絕代豈必厭綺羅以神流采斯足多
力追李杜得正始次者乃亦如東坡
隨聞主人近好手

謂袁簡齋太史

古之遺狂

在此叟評君一語洵知言楚人齊語發墨守

君與簡齋俱浙人簡

齋論君詩謂不落浙派也

君家本在明湖濱今來卜宅東臯鄰春風

三月雉媒長扶輪一笑花繽紛如我窮愁何足羨奔走

三秋遊易倦買醉差餘司馬裘呵人空抱孫郎硯銅鞮

一曲吾能之歌成拍手有所思他年尊酒復何處記取

班騅送影時

贈喬墨莊四十初度

我聞古之人四十曰強仕名山苟不朽豈必綬青紫喬
生瑾瑜姿丰格古高士摩挲泐彝鼎嗜古尤入髓目中
無全牛直契雲鳥始天機發又餘元氣到腕底粲粲勾
漏砂斑斑剡溪紙人生得美酒一藝亦足喜豈無漢公

孫海上方牧豕

公孫宏牧豕海上年四十餘乃學春秋雜說

窮年兔園冊童

書昧至理良多不惑歲未蠲無聞恥况聞金石堅其壽

乃罕比君能勒其貞名永或視此繫余萍梗蹤三載學

射雉雖懷雕蟲技動心畏加齒此別霜鴻飛相望各干

里愧非輞川才圖君孟亭裏

孟襄陽四十乃遊京師王摩詰過鄂州爲畫像于刺

史亭名曰孟亭

別吳梅原

人生不能如江干鴈歲歲秋風一相見復不能如庭前
葉雖辭故枝墮相接乃如天邊千里之浮雲隨颺吹合
俄頃分百年戚戚易過眼古來惟有離別傷人魂揭來
東臯采芳芷白藤書篋秋滿紙將歸不恨去此土所恨

同岑隔吾子憶騎士牛海上迴一刺漫滅猶在懷長安
卿相不我識相賞往往多蓬蒿如君亦是抑塞磊落之
奇才隨身重戴顏不開問奇應知草元苦負郭與解長
貧猜雲龍萬古未追逐驪駒三疊空徘徊我歸江南子
江北亦知後期安在哉露香池館寒月傾露香草堂講堂額也城
頭射雉雉不鳴統如街鼓摻漸停夜長酒盡雙玉瓶爲
君一彈發素聲白雪飛落幽蘭生相思若見三春草爲
憶青袍雒陽道

如臯官舍中見庭梅已坼蔬鄉愁無慘春事忽在
目知歲之就闌矣孤芳逼人無有問者爲作短歌
并示呂生

我昔咏梅八百言愛梅與之窮其妍人間眞賞不易得
幽吟空委東流泉東臯解中西偏處閒堦有梅五六樹
天工爲我生別情先遣霜葩指歸路呂生投經吟其旁
呂子葯軒
設帳邑署數枝破臘驚春光蕭齋管領亦不易此花自
古魁羣芳我昨夢游羅浮巖三更翠羽噉琅玕綃衣自
飛素月墮美人一去清尊閒覺時長嘯非故山白雲千
里春漫漫客味頗同北枝冷人情豈有東風暄官閣如
今少何遜孤負衝寒與芳訊只應桃李愛漫山豈識和
羹有時問千年湖畔林逋死此花本是無知己若教梁
肉許巡檐轉恐鉛華悔臨水呂生爲我好護持雲堦月
地發未遲明年驛使定相憶自有瓊瑤贈所思

和大兄武陵舟中見懷原韻卽書柬末

望絕天南青翰舟把君詩句當神遊仙源豈肯通塵世
漁父徒勞夢遠秋落日沅湘休作賦空山蘭茝不勝愁
何時共采桃花片笑指烟寰數九州

寄大兄

一別池塘夢見稀關河書到兩依依草元已覺三秋倦
鐸白因憐萬里歸歲晚霜衰空北望天清塞鴈自南飛
明年勒馬看青岱樽酒長安又暫違

歲大兄將恩
驛山左子計借入

都復遲兩
月執手矣

題張古漁小照

國初以來擅六法司農筆力追倪黃同時獨往名稍亞

黃尊古名鼎

號獨往客

傳其妙者篁村張

張宗蒼

號篁村猶子玉川

子

古漁又號玉川

親侍門牆得神髓鈎研皴染根先民下筆蒼

蒼秀無比方今古法如飄塵都將彫飾傷天真此事亦
如祚一綫岫所不衍非雲孫千枝萬派勢殊出導源惟
自山之岷不然漆室枉才子雖有目巧迷其門百餘年
來好手死雲烟散盡無逾此吾兄茶山與玉川落落相
望兩人耳玉川之人淡且閒品在不夷不惠間長竿倚
手纜此景撥取采筆歸名山煩君遲我更十年爲鈎明
月期隨肩奄有二子則豈敢歲寒把臂當無愆

後題闡卷詩十首

螺黛研殘夜未眠窺人空見月纖纖十眉畢竟如何樣

深鎖文君不出簾

勒帛從頭看未加壁歸依舊是無瑕不知慧業前生事
可也三條燭盡樺

茵于清美是仙傳豈意樓高墮化烟聽到一聲河滿子
有人雙淚爲儂憐

靜裡瑤琴已一彈分明翠袖訴春寒從今始信梅花淡
越是明眸隔水看

雕籠得傍便清聲所好從來毛羽生直到金丸輕一擲
怪他不早自呼名

十年搔首盼南宮拂袖紛紛馬耳風筆勢本來非李廌
無勞逃眼愧坡翁

香溝中判水東西無定紅霓舞自迷不是東風不相識
暗飄榆莢有前溪

虛聲入洛自慙雲畫餅原難持贈君一句吳江楓葉冷
多應見我不如聞

九疑烟雨隔幽冥鸞鷲飛來洞已扃可惜泠泠鼓湘瑟
旁人曾愛數峯青

天池物豈能搖尾房駟羣難但舉肥便遣羅浮乾死蝶
精靈還是一仙衣

讀岳忠武傳

不殺定知和議阻垂成從此大功灰徒聞神算驚侯捷
難見諸軍待岳來天地何心無父國山河有淚中興才

若教得遂黃龍飲豈惜終成碧血哀

百戰如公最少年泰山不及岳軍堅
旋師肯涉嫌疑地袒背空號忠孝天
又見渡河身早死遂教酌酒敵安眠
匡山但遣終廬墓倚作長城宋尚全

題蘭荷畫幅

由來空谷難爲偶况是銀塘不染塵
曾記天邊湘女夢風裳水佩自相親

晚步

銀河遙接鳳樓深玉露庭堦夜氣森
片月自含砧杵意孤雲應識女牛心
欲迴身世歸清鏡難把風塵卜素琴
曉記霜痕驗衣袂髻絲搖落恐相侵

長安秋感

商飈漸到井梧稀八月燕臺欲授衣
乍爽西山吹客近未寒北鴈背人飛
升沉市少君平剖擯斥人憐亭伯非
自是白雲常繫夢歸心那得及鱸肥

觚稜天淨見蒼蒼回首斜陽有故鄉
三輔風高鵬勢疾九門霜勁角聲涼
何來市駿還餘骨每到聞雞易感腸
不是出關孺棄盡停車肯挽阮生狂

十日虛堂擁濕薪素衣幸未化緇塵
青苔及榻成今雨白鴈來空似故人
六博未輸純雉好四愁誰贈錯刀新
生涯近亦河無定此度桑乾久住身

蘆溝河卽古桑乾亦名無定河夏秋

大雨北平水發頗甚自都門至蘆溝旬日不可行故及之

秋風未得歸張翰春草何堪滯惠連夢裡南陔驚遠道
酒中東閣倦殘年關河有恨唯長笛節序驚心最暮蟬
料得故園聞絡緯刀環幾怨望舒圓

榜發感好無一售者詩以慰之兼示似撰

秋風非素心吹客動相左羅生衆蘭蕙不采各如我美
人產南國被服容自矜爭抱三尺桐獻此一寸心誰知
折楊曲入耳難爲音良玉不自言楚人空與吟一朝毛
羽異鳳鳥亦韜采坐對黃金臺白日愁已改人生得與
失有如花隨風才命兩不謀鬼物爲先容文章一芻狗
吾道遭其窮亮非薺麥色肯改松柏躬嗟予困射策十
載亡一矢年年廣武場氣短爲監子買羊酤美酒且盡

今日懽何如據梧客方作壁上觀

似換以迴
避未與試

題畫送蔣大琴伍南歸

西風吹葉滿桑乾北望關河鴈影寒
我有家山如畫裡隨君一路夢中看